



Innkalling til Utval for levekår

Møtedato: 23.10.2018
Møtestad: Formannskapssalen
Møtetid: 09.00

Medlemmene i Utval for levekår vert med dette kalla inn til møtet. Den som har lovleg forfall, eller er ugild i nokon av sakene, må melde frå så snart råd er på forfallskjema på kommunen si heimeside, slik at varamedlem vert innkalla.

Varamedlemmer møter berre etter nærare avtale.

Dokument som ikkje er tilsende, kan du få kopi av på dokumentsenteret. Dokument som ikkje er offentlege, vil bli utlevert i møtet. Dersom medlemmene på førehand ynskjer å gjera seg kjend med innhaldet i desse dokumenta, er dei tilgjengeleg på dokumentsenteret.

NB! Frammøte på Sagstad skule kl. 09:00.

Sakliste

Saknr	Tittel
42/2018	Godkjenning av innkalling og sakliste
43/2018	Godkjenning av møtebok
44/2018	Referatsaker
45/2018	Orientering helsestasjon
46/2018	Reguleringsplan for KV 1133 Myrvollane til Hestdal - offentlig ettersyn og høyring
47/2018	Orientering heimetenesta - informasjon om arbeid med støttekontakt
48/2018	Informasjon om SFO drift/bemannning
49/2018	NAV Meland - orientering introduksjonslova
50/2018	Orientering - Ny introduksjonsordning i Meland
51/2018	Ålmennsoge for Meland kommune
52/2018	Aktuelle saker

18. februar 2019

Sølvi Norunn Knudsen
leiar

Randi Helene Hilland
konsulent

Sakspapir

Saksbehandlar	Arkiv	ArkivsakID
Randi Helene Hilland		18/2255

Saksnr	Utvalg	Type	Dato
42/2018	Utval for levekår	PS	23.10.2018

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/2255

Saksnr	Utvalg	Type	Dato
43/2018	Utval for levekår	PS	23.10.2018

Godkjenning av møteprotokoll

Vedlegg:

Protokoll - Utval for levekår - 04.09.2018

Saksopplysningar:

Framlegg til vedtak:

Møteprotokoll frå møte 04.09.18 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		18/2255

Saksnr	Utvalg	Type	Dato
44/2018	Utval for levekår	PS	23.10.2018

Referatsaker

Saksopplysningar:

Framlegg til vedtak:

Meldingane vert tekne til orientering.

Sakspapir

Saksbehandlar	Arkiv	ArkivsakID
Helge Kvam	FA - G11	18/2382

Saksnr	Utvalg	Type	Dato
45/2018	Utval for levekår	PS	23.10.2018

Orientering helsestasjon

Saksopplysningar:

Bakgrunn

Utval for levekår ønskjer ei orientering om status drift ved helsestasjon og deira ulike målgrupper.

Aktuell presentasjon vert utdelt, og leiande helsesøster vil orientere i møte.

Konklusjon

Leiande helsesøster vil orientere om drifta ved helsestasjon i møte.

Framlegg til vedtak:

Utval for levekår tek informasjon om drifta ved helsestasjon til vitande.

Sakspapir

Saksbehandlar	Arkiv	ArkivsakID
Helge Kvam	TI - &13	18/2301

Saksnr	Utvalg	Type	Dato
46/2018	Utval for levekår	PS	23.10.2018

Reguleringsplan for KV 1133 Myrvollane til Hestdal - offentlig ettersyn og høyring

Vedlegg:

Reguleringsplan for KV 1133 Myrvollane til Hestdal - Offentleg ettersyn og høyring

Plankart+Myrvollane+--Hestdal,+del+1

Plankart+Myrvollane+--Hestdal,+del+2

Plankart+Myrvollane+--Hestdal,+del+3

Reguleringsføresegner+Myrvollane+--Hestdal

Planskildring+--Myrvollane+--Hestdal+oppdatert

ROS-analyse+Myrvollane+--Hestdal

Teikningshefte+Myrvollane+--Hestdal

Saksopplysningar:

Bakgrunn

Utval for levekår får reguleringsplan for KV 1133 Myrvollane til Hestdal til offentlig ettersyn og høyring jamfør vedlegg.

Merknader til planforslag må vera framsett skriftleg innan merknadsfrist 31.10.18

Formålet med detaljreguleringa er å legge til rette for bygging av nytt vassbehandlingsanlegg på Hestdal og for omlegging av Håtuftvegen i samband med framføring av VA - leidningar.

Planframlegget omfattar 7 ulike dokument, og ein viser til vedlegg.

Vurdering

Prosjektrådgjevar Berit M. Eskeland vil gje ei orientering i møte.

Konklusjon

Prosjektrådgjevar orienterer om reguleringsplan for KV 1133 i møte.

Framlegg til vedtak:

Utval for levekår tek informasjon om reguleringsplan for KV 1133 Myrvollane til Hestdal til vitande.

Sakspapir

Saksbehandlar	Arkiv	ArkivsakID
Helge Kvam	FE - 144	18/1246

Saksnr	Utvalg	Type	Dato
47/2018	Utval for levekår	PS	23.10.2018

Orientering heimetenesta - informasjon om arbeid med støttekontakt

Vedlegg:

Tenestestandard Støttekontakt 230516

Saksopplysningar:

Bakgrunn

Utval for levekår ønskjer ei orientering om status arbeid med støttekontakt.

Lovgrunnlag for tenesteyting personleg assistanse, her under praktisk bistand, opplæring og støttekontakt er heimla i Helse- og omsorgstenestelova § 3-2 punkt 6, bokstav b.

Føremålet for støttekontakteneste er å bidra til:

ei meningsfull fritid og deltaking med andre
at tjenestemottakar vert tryggare på seg sjølv i sosiale samanhengar
deltaking i ulike fritidsaktivitetar
å bryte eller forhindre sosial isolasjon og einsemd.

Ein viser her til tenestestandard støttekontakt jamfør vedlegg.

Vurdering

Tenestemrådeleiar heimetenesta v/Britt Romarheim vil gje ei orientering i møte.

Konklusjon

Tenestemrådeleiar heimetenesta vil gje ei orientering om status arbeid med støttekontakt i møte.

Framlegg til vedtak:

Utval for levekår tek informasjon om arbeid med støttekontaktteneste til vitande.

Sakspapir

Saksbehandlar	Arkiv	ArkivsakID
Reidun Elin Johannessen	FA - A22, TI - &24	18/2208

Saksnr	Utvalg	Type	Dato
48/2018	Utval for levkår	PS	23.10.2018

Informasjon om SFO drift/bemannning

Vedlegg:

SFO-vedtekter i Meland kommune

Saksopplysningar:

Bakgrunn

I Utval for levkår saksnr. 41/2018 står det: «Utvalet ønskjer informasjon om SFO drift/bemanning i Meland-skulen til oktobermøtet».

Lovgrunnlag

I opplæringslova § 13-7 står det:

Kommunen skal ha eit tilbod om skolefritidsordning før og etter skoletid for 1.-4. årstrinn, og for barn med særskilte behov på 1.-7. årstrinn.

Skolefritidsordninga skal leggje til rette for leik, kultur- og fritidsaktivitetar med utgangspunkt i alder, funksjonsnivå og interesser hos barna. Skolefritidsordninga skal gi barna omsorg og tilsyn. Funksjonshemma barn skal givast gode utviklingsvilkår. Areal, både ute og inne, skal vere eigna for formålet.

Skolefritidsordninga skal ha vedtekter om; a. eigarforhold, b. kven som er opptaksmyndigheit, c. opptakskriterium, d. opptaksperiode og oppseiing av skolefritidsplassen, e. foreldrebetaling, f. leike- og opphaldsareal, g. dagleg opphaldstid og årleg opningstid, h. bemanning og leiing

Når skolefritidsordninga er knytt til skolar, skal rektor til vanleg vere leiar. Departementet kan gjere unntak frå kravet.

Kommunen kan krevje utgiftene til skolefritidsordninga dekte gjennom eigenbetaling frå foreldra.

For krav om politiattest gjeld reglane i [§ 10-9](#).

Kommunen kan nytte andre til å oppfylle plikta til å ha eit tilbod om skolefritidsordning, dersom dei elles oppfyller vilkåra i denne paragrafen. Kommunen fører tilsyn med private skolefritidsordningar.

Departementet kan gi nærmare forskrifter om skolefritidsordninga.

I dei kommunale vedtektene for SFO vedtekne med rettingar i Meland kommunestyre juni 2010 ,og redigert 2011 står det i punkt 10:

Det skal ikkje vere meir enn maksimum 16 barn per vaksen i SFO.

Det skal tilsetjast dagleg leiar på skulefritidsordninga som har 20 barn eller meir.]

Ved mindre skulefritidsordningar skal ein person ha dagleg ansvar.

Det skal avsetjast tid til å administrera skulefritidsordninga.

Tida skal stå i forhold til tal på barn i ordninga.

Ved tilsetjing av dagleg leiar skal relevant utdanning og erfaring vektleggjast.

Informasjon om SFO drift/bemanning

Sagstad skule:

- Om morgonen blir det brukt forholdsvis store ressursar pga enkelt elever som har trening og treng ekstra tilsyn pga medisinske problem. I snitt er det 15-20 elever på SFO mellom 7.30 – 8.30, og dei har 5 vaksne frå kl 7.30 og auker med 2 vaksne kl 8.00. To vaksne går til trening og to – tre personer er med elever som treng ekstra tilsyn.
- Ettermiddagane. Dei dagane elevane sluttar ulikt er svært utsett i forhold til at fleire assistentar er i klasser med lenger undervisning.
- Når det gjeld bemanningsnormen (1 voksen pr 16 barn), er det er tider på dagen dette blir overskride. Særleg skjer overskridinga når nokre klassetrinn er lenger på skulen.
- Bussvakt (kl. 15.00) krev ein person som er vekke i den same tida som fleire vaksne er ferdig for dagen.
- Leiar på SFO er, slik rektor oppfatta, det ein «toppressurs». Det er ein forventning om at leiar på SFO er innom og er kjent på SFO, men ikkje at leiar er ein del av den faste bemanninga. Nokre tidspunkt «må» SFO-leiar inn for å få det i hop
- Matservering. Det er «store» krav til mat og variasjon. Ressursen til å kunne servere 151 elever slik forventinga om tid er, er bergensa. Anbefalinga er ca 20 minuttar til å spise, den meiner rektor er grei. At alle får mat før dei skal gå, jobbar me med. Ein del går kl 14. og da treng dei sjonglere med kven som ete når. Har prøvd å ta klassevis, men det var for enkelt. Det er bra ro når elevane sitter og spise.

Rosslund skule

Driv ein SFO med god kvalitet. Borna får måltid kvar dag som svarar til foreldrebetalinga.

Tilbakemeldingane frå føresette er gode. Totalt er det om lag 2,2 årsverk på SFO.

Bemanninga er i høve til forskriftene, men tettare oppfølging av elevar med særskilte behov gjer at bemanninga til «resten» i praksis vert mindre enn 1:16. Spesielt sårbart er dette i tidsrommet delar av bemanninga lagar til mat.

Vestbygd skule:

Det er kring 80 elevar som nyttar Vestbygd skule sin SFO. Elevgruppa er delt opp i to ulike grupper(1-2 .steg og 3-4.steg) og held til på to ulike klasserom på skulen. Uteområdet har dei i fellesskap. SFO – borna får måltid kvar dag, noko som står i forhold til betalinga frå føresette.

SFO får gode tilbakemeldingar frå føresette kring tilbodet dei gjev.

Vestbygd skule har ein 100% stilling til SFO – leiar samt 3,7 årsverk med pedagogiske medarbeidarar i SFO – tida. Bemanning er i forhold til 1:16. Det kan likevel i enkelte periodar vera vanskeleg å oppretthalde 1:16. Dette har mellom anna samband med utfordringar som ekstra ressurskrevjande elevar som treng særskilt oppfølging samt sjukefråvær blant tilsette.

Grasdal skule:

Det er 2,55 årsverk i SFO-tida utanom 100% SFO-leiar . Det er 8 tilsette + SFO-leiar, og alle assistentane har delt stilling SFO/skuletid. Ein person har 56% stilling, og resten har totalt mellom 70-100% stilling.

Bemanninga er innanfor norm på 1/16 barn, men har hatt ustabil situasjon og vikarar pga høg fråværsprosent. Det er særleg 1 barn som har behov for vaksenstøtte heile tida, og 2 andre barn som treng særleg tilpasning og i SFO. SFO-leiar har organisert «hjertebarn» for kvar tilsett, som er ei gruppe av barn som den tilsette fylgjer ekstra godt med.

For barn med særskilt behov og behov for ekstra ressursar

Ekstra ressursar til SFO vert tatt opp ved dei årlege budsjettprosessane. Dersom det kjem elevar i løpet av året vert midlane omdisponert eller rektor melder frå om auke i behov til sin leiar (rådmann).

Folkehelse, Miljø og Økonomi er ikkje aktuelt å vurdere i denne saka då det berre er ein orienteringssak.

Framlegg til vedtak:

Utval for levekår tek orientering til vitande

Sakspapir

Saksbehandlar	Arkiv	ArkivsakID
Helge Kvam	TI - &00, FA - F30	18/2397

Saksnr	Utvalg	Type	Dato
49/2018	Utval for levekår	PS	23.10.2018

NAV Meland - orientering introduksjonslova

Vedlegg:

Introduksjonslova

Saksopplysningar:

Bakgrunn

NAV Meland vil gje ei orientering om arbeid med Introduksjonslova (vedlegg) med fokus på lova sitt føremål og økonomisk sjølvstende for den einskilde.

Vurdering

Leiar NAV Meland v/Arngunna Haga vil orientere i møte.

Konklusjon

Leiar NAV Meland v/Arngunna Haga vil gje informasjon om arbeid med introduksjonslova i møte.

Framlegg til vedtak:

Utval for levekår tek informasjon om arbeid med introduksjonslova til vitande.

Sakspapir

Saksbehandlar	Arkiv	ArkivsakID
Arngunna Haga	FE - 402, FA - F30	18/2392

Saksnr	Utvalg	Type	Dato
50/2018	Utval for levekår	PS	23.10.2018

Orientering - Ny introduksjonsordning i Meland

Vedlegg:

Hordaland fylkeskommune - Tilsegn om tilskot på inntil kr 1 100 000 til ny introduksjonsordning for flyktninger

Saksopplysningar:

Bakgrunn

Utval for levekår har tidlegare fått informasjon om utviklingsprosjektet «Ny introduksjonsordning i Meland». Målet med prosjektet er å utarbeide nye vegar i introduksjonsprogrammet. Erfaringane våre er at det er for stor del av deltakarane i introduksjonsprogrammet som ikkje fullt ut klarar å nyttiggjere seg introduksjonsprogrammet slik det er rigga i dag. Korleis skal vi arbeide og samhandle slik at resultata vert betre?

Meland kommune har rigga prosjektet «Ny introduksjonsordning i Meland» der sjølve prosjektet er delt inn i tre delprosjekt; Sosialt entreprenørskap, eigenetablering og workpool. Det er sett ned ei referansegruppe for prosjektet med representantar frå KS, IMDI, Hordaland fylkeskommune, Distrikssenteret, UNI Reserach, NAV og Meland kommune.

Meland kommunen har søkt Hordaland fylkeskommune om prosjektstøtte. Fylkeskommunen har tildelt Meland kommune 1,1 millionar til første delprosjekt (vedlegg). Første delprosjekt er eit toårig prosjekt som er retta mot flyktningkvinner med lav formalutdanning. Prosjektet vil organiserast rundt Sosialt entreprenørskap. Det skal tilsetjast eigen prosjektleiar og det skal knyttast ein fast språkressurs til satsinga. Lokaler og kjøkken er klargjort i Meland ungdomsskule. I tillegg til deltakarar frå Meland er det deltakarar frå Lindås og Radøy.

Vidare har Hordaland Fylkeskommune tildelt 50.000 kr til eit forprosjekt for andre delprosjekt «Meg som ein entrepenør?». Forprosjektet skal utvikle innhald og organisering for eit prosjekt med fokus på opplæring i entreprenørskap og språk. Den 15.11 skal vi arrangere workshop der mellom anna Start-Up Stockholm og Botkyrka kommune deltek. Start-Up Stocholm leiar eit stort EU-finansiert prosjekt som vert kalla «Entreprenör i Sverige for nye landsmenn». Næringsdrivande, samarbeidspartanrare og viktige aktørar vert invitert til til workshopen. I samband med workshopen vert fyrste møte i referansegruppe og halde. Vi vil søkje midlar til oppstart og drift av prosjektet «Meg som entreprenør?» etter at forprosjektet er avslutta.

UNI Research (no NORCE) v Mai Camilla Munkejord, har fått 500.000 kr i kvalifiseringsmidlar frå RFF Vest til å følgja proseptet. Dermed kan og FoU-delen av arbeidet kome i gong.

Vi kan og leggje til at 6 personar fra Meland kommune, Vaksenopplæringa ved Lindås og i fylkeskommunen har vore på studietur til Tyskland, finansiert gjennom Erasmus+.

Konklusjon:

Leiar NAV Meland med medarbeidarar vil gje informasjon om utviklingsprosjektet i møte.

Framlegg til vedtak:

Utval for levekår tek informasjon utviklingsprosjektet «Ny introduksjonsordning i Meland» til vitande.

Sakspapir

Saksbehandlar	Arkiv	ArkivsakID
Eirik Bouwer Utne	FE - 004	18/1301

Saksnr	Utvalg	Type	Dato
51/2018	Utval for levekår	PS	23.10.2018

Ålmennsoge for Meland kommune

Saksopplysningar:

Bakgrunn

I ULK–24/2018, *Orientering om bygdesoge for Meland – band 4*, orienterte Arnt Brakstad, leiar i Meland sogelag og på invitasjon frå ULK, om eit eventuelt band 4 av bygdesoga for Meland i form av ei tematisk ålmennsoge. Utvalet gjorde vedtak om å be «...om sak/saksutgreiing vedk. bygdebok nr. 4 i samband med budsjett og økonomiplan. Saka vert lagt fram for ULK i oktobermøte.»

Dei tre banda av gards- og ættesoga for Meland, *Mellom bakkar og berg*, kom ut i 2004 etter lenger tids arbeid, både frå forfattarane som var engasjert til arbeidet og frå frivillige i sogelaget og boknemnder. Soga er det mest omfattande lokalhistoriske bokverket som har vorte skrive om det som er Meland kommune i dag. Ho konsentrerer seg i hovudsak om ætte- og gardshistoria ved matrikkelgardane i kommunen, med sporadiske tematiske omtalar frå somme av gardane.

I arbeidet frå boknemndene låg det til grunn at gards- og ættesogebanda skulle følgjast opp med ei tematisk ålmennsoge i eit fjerde band. Dette har vore gjort i fleire kommunar, mellom anna Fjell og Bømlo, og tek gjerne for seg liv og erverv, kultur og lokalhistorie på tvers av gardane og grendene i kommunane. Tema for ei slik bok kan til dømes vere jordbruk og fiske, byføring, handverk, industri, skule og helsevesen. Vidare er lokal immateriell kulturhistorie, dialekttrekk, organisasjonsliv, kyrkjehistorie, kommuneinndelingar og krigshistorie vanlege tema for slike bokverk.

Arbeidet med gards- og ættesoga førte òg til at ein samla inn og fekk oversikt over lokalhistoriske kjelder og materiale, derav til dømes protokollar, omfattande bildearkiv og ikkje minst kring 60 timar med intervjuar med folk på gardane om slik livet var på gammalt vis. Av andre lokalhistoriske arbeide, eller der Meland er del av eit verk om ein større region, kan ein nemne døme som Strilesoga, kommunesoga 1923–1973, kyrkjesoga frå 1966, dei mange utgåvene av Meland Jul og Post- og stempelhistoria for Nordhordland. Det ligg totalt sett føre eit kjent kjeldegrunnlag for eit band 4 av bygdesoga.

Vurdering

Ei tematisk ålmennsoge for Meland (band 4) vil ta fleire år å få gjort ferdig. Sjølv om ein har oversikt over kjeldematerialet frå førre arbeid, både i form av lokale innsamlingar og kjennskap til arkiv og samlingar andre plassar, vil mykje av materialet måtte gjennomgåast med nye auge og med lys på temaa som kan omfattast denne gongen. Forfattarane som utforma band 1–3 er ikkje tilgjengelege, og ein er avhengig av ein forfattar som har kjennskap til arbeidsforma og forståing for regional kultur

og historie. Det kan ta tid å få dette på plass. Eit eventuelt band 4 vil krevje omfattande frivillig innsats, og i tilfelle bør ein formalisere eit samarbeid med lokalhistoriske foreiningar gjennom ei boknemnd.

Temaa ein kan inkludere er mange, og det må gjerast eit utval av desse om ein skal komme innanfor rammene for eit band 4. Særleg dei eldste tider er dekt gjennom verk som Strilesoga. Ei lokal soge kan starte på eit yngre tidspunkt, til dømes tidleg nytid, og berre somme gongar trekke linene lenger tilbake inn i forhistoria.

Eit band 4 vil dokumentere lokalhistoria mens enno mykje kunnskap er kjent i første og andre ledd. Vidare vil eit band 4 vere aktuelt i mange tiår, der kostnaden har ein langsiktig gevinst. Marknaden for ei slik soge vil kunne vurderast til å vere av noko anna karakter enn for gards- og ættesoga, ved at ho vil vere ålmenn i sitt innhald.

Ei ålmennsoge på kring 600 sider er berekna til å krevje om lag tre årsverk, tilsvarande 2,7 mill. I tillegg kjem drift av arbeidet på kring kr 200 000 over tre år. Med trykkekostnadar (2000 bøker) og uførutsette utgifter vil ein sjå ein brutto prosjektsom kr 3,6 mill over tre år. Netto prosjektsom etter ein eventuelt har seld ut alle bøkene vil vere kr 2,4 mill. Erfaringa viser at boksalet går over mange år, der ein realiserer inntektene over lenger tid. Eit bokprosjekt må takast over drifta til kommunen og kan ikkje finansierast som ei kommunal investering.

Ei tematisk ålmennsoge finst ikkje for Lindås og Radøy kommunar. Liv og erverv var relativt likt for dei tre kommunane som no vert Alver, og temaa som vil vere del av eit eventuelt band 4 for Meland kan òg gjelde for nabokommunane. Den høge kostnaden, som det ikkje er dekking for, og det langsiktige perspektivet med utgiving først i 2023/24, kan tale for at prosjektet bør sjåast i lys av den nye kommunen.

Folkehelse

Saka har ikkje påverknad på folkehelsa

Miljø

Saka har ikkje påverknad på miljøet

Økonomi

Saka har påverknad på kommuneøkonomien.

Konklusjon

Sak om band 4 av bygdesoga for Meland ligg føre. Mykje av kjeldematerialet for ei slik bok er kjend, og grunnlaget er godt for eit vel gjennomført bokprosjekt. Boka vil vere til stor lokalhistorisk nytte og av ålmenn interesse. Kostnaden er høg med finansieringsbehov på 3,6 mill, der inntektene vil komme over mange år. Ein kan ikkje vente at boka er gitt ut før i 2023/24.

Framlegg til vedtak:

Alternativ 1

Utval for levekår tek saka til orientering, og tilrår ikkje eit ålmennsogeprosjekt på noverande tidspunkt med omsyn til kommuneøkonomien. Utvalet oppmodar Alver kommune til å ta initiativ til ei felles løysing for temaet etter 2020.

Alternativ 2

Utval for levkår tilrår å finansiere prosjekt gjeldande gjennomføring av eit band 4 av bygdesoga, i form av ei tematisk ålmennsoge, med totalt kr 3,6 mill. Finansieringa må gå over disposisjonsfondet. Tilrådinga vert sendt til Formannsskapet for vidare handsaming.

Sakspapir

Saksbehandlar	Arkiv	ArkivsakID
Randi Helene Hilland		18/2255

Saksnr	Utvalg	Type	Dato
52/2018	Utval for levekår	PS	23.10.2018

Aktuelle saker

Saksopplysningar:

Framlegg til vedtak: